

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

Art. I. De virtutibus intellectualibus

[urn:nbn:de:hbz:466:1-78232](https://nbn-resolving.de/urn:nbn:de:hbz:466:1-78232)

requiritur habitus virtutis in voluntate, ad facile & delectabiliter prosequendum tale bonum.

Respondeo quod licet voluntas in exercendo actu iustitiae, & reddendo unicuique quod suum est, patiatur aliquam difficultatem ex passionibus appetitus sensitivi provenientem, haec tamen non est tota difficultas quam paritur in exercitio illius actus, sed simul cum difficultate illa extrinseca, ex passionibus appetitus provenientes, habet aliam sibi intrinsecam, petitatam ex excessu & improportione hujusmodi actus, non quantum ad speciem, sed quantum ad individuum, cum enim cuiuscumque voluntas sit radicata in hoc numero supposito, determinatur per suam differentiam individualem ad bonum proprii suppositi, subindeque ex majori & vehementiori inclinatione, quam habet ad bonum proprium, à prosecutione boni alieni retardatur: unde ad vincendam hanc difficultatem ponitur in voluntate habitus iustitiae. Ceterum ad proprium bonum honestum voluntas nullam patiatur difficultatem intrinsecam, ortam ex excessu & improportione illius, cum tale bonum, neque quantum ad speciem, neque quoad individuum vires ejus naturales excedat; sed tota difficultas, qua in hujus boni prosecutione reperiatur, ex intrinsecis impedimentis, & passionibus immoderatis appetitus sensitivi provenit: unde ad facile & delectabiliter prosequendum tale bonum, nullus in voluntate debet ponи habitus virtutis, sed sufficiere ponere in appetitu irascibili & concupiscibili virtutes fortitudinis & temperantiae, quibus immodeitate illius passiones cohabantur, & temperantur.

Objecies quartò: Humilitas veratur circa bonum proprium; ponitur enim ad moderandum affectum spei, & appetitum propriæ excellentiæ, ut docet D. Thomas 2.2. quæst. 161. art. 4. Sed humilitas residet in voluntate: Ergo in voluntate ponitur virtus ad attingendum bonum proprium honestum. Major patet, Minor probatur. Idem est subjectum contrariorum: Sed superbia humilitati contraria est in voluntate, ut docet S. Doctor 2.2. quæst. 162. art. 3. & patet ex eo quod in Angelis prævaricatoribus, in quibus non est appetitus sensitivus, superbia reperitur: Ergo humilitas in voluntate, non vero in appetitu sensitivo residet.

Respondeo duplarem dari humilitatem, unam in voluntate, & aliam in appetitu sensitivo, solumque hanc posteriorem, qua est pars potentialis temperantiae, versari circa bonum proprium, moderando affectum propriæ excellentiæ absolute sumptu, non curando desubordinatione ad aliud; illam vero qua residet in voluntate, & est pars potentialis iustitiae, respicere bonum alienum, quia respicit propriam excellentiam, non absolute, sed ut subordinationem Deo, cum importet subjectionem hominis ad Deum, ut docet S. Thomas 2.2. quæst. 161. art. 1. ad his verbis: *Humilitas secundum quod est specialis virtus, præcipue respicit subjectionem hominis ad Deum, propter quem etiam aliis humiliando se subicit.*

DISPUTATIO III.

De distinctione virtutum.

Ad questionem 57. Divi Thome.

VARIAE solent tradi divisiones virtutis in communi: sed ceteris clarior & compendiosior ea est, quam S. Doctor hic prosequitur, qua scilicet virtus in intellectualem, moralē, & Theologicam distribuitur. De virtutibus intellectualibus & moralibus breviter hic agemus: de Theologicis vero specialiē Tractatum instituimus infra, post Tractatum de justificatione impii, & merito iusti. Cui alium brevem de quatuor virtutibus Cardinalibus, & virtutis eis oppositis, subnecemus.

ARTICULUS PRIMUS.

De virtutibus intellectualibus.

Virtus intellectualis ea dicitur, qua perficit intellectum in ordine ad verum, sive speculativum, sive practicum; sicutque dividit in quinque species, qua vocantur intelligentia, seu habitus primorum principiorum, sapientia, scientia, ars, & prudentia. Ratio vero, hujus divisionis haec est: Cum virtus intellectualis perficiat intellectum in ordine ad verum, tot esse debet virtutes intellectuales, quot sunt habitus infallibiliter attingentes verum: Sed habitus infallibiliter attingentes verum sunt tantum quinque enumerati: Ergo illi solum sunt virtutes intellectuales. Major patet, Minor probatur. Verum quod certe & infallibiliter ab intellectu attingi potest, vel est universale, & consequenter necessarium, vel singulare & contingens? Si universale, vel est attingibile immediate, vel absque medio, & ex sola terminorum notitia, ut sunt prima principia? & pro illis ponitur habitus primorum principiorum. Vel est attingibile mediante, & per proprias causas, qua si fuerint particulares, ponitur scientia; si vero causa fuerint altissima & universalissima, ponitur sapientia. Si autem tale verum fuerit singulare, vel illud est factibile? & pro illo attingendo ponitur ars: vel agibile? & ad illud attingendum ponitur prudentia.

Præter has quinque virtutes intellectuales, dantur alij habitus seu dispositiones in intellectu, qua non habent rationem virtutis quia non attingunt infallibiliter verum, ut sunt fides humana, opinio, suspicio, dubium, solertia, &c. Differere vero in particulari de predictis quinque virtutibus intellectualibus, non est hujus loci, cum de his agatur in Philosophia: unde hic solum varias illarum species & divisiones expendemus.

Habitus ergo primorum principiorum dividitur in intelligentiam, & synderesim. Illa attingit prima principia speculativa, qua deferunt ad scientiarum acquisitionem: haec vero prima principia practica, qua ad rectam operationem & morum directionem conducunt;

Tt 3 & ad

& ad ipsam reduci potest conscientia, quæ ex vi nominis dicit applicationem scientie vel cognitionis ad aliquid, unde propriè neque designat habitum, neque potentiam, sed actum ipsius synderesis.

4. Habitus sapientiae in duas etiam species distributur, nimirum in divinam, quæ est Theologia, cuius objectum est ipsa causa altissima, scilicet Deus, ut cognoscibilis per revelationem mediataam; & in humanam, quæ est Metaphysica, quæ obtinuit etiam nomen sapientiae, quia versatur circa prima rerum prædicta, ens, verum, bonum, &c. Deumque ut lumen naturali cognoscibilem contemplatur.

5. Scientia vero in tria principia genera dividitur, nimirum in scientiam abstrahentem à materia intelligibili; sub qua Metaphysica & Dialectica continentur: in scientiam abstrahentem à materia sensibili; sub qua sunt Arithmeticæ (cui subalternatur Musica) & Geometria (cui subalternatur Astrologia) Cosmographia, Geographia, Topographia, Hydrographia, Optica, & Machinativa: & demum in scientiam abstrahentem à materia singulari; sub qua continetur solum Physica, cui subalternatur Medicina.

6. Similiter ars dividitur in servilem seu mechanicam; & liberalem; numeranturque sub uniusque septem species, quæ hoc distinxit designantur.

Lingua, tropus, ratio, numerus, tonus, angulus, astra.
Rus, vienius, arma, rates, vulnus, lana, faber.

Primus versus complectitur septem liberales, nam lingua designat Grammaticam, tropus Rhetoricam, ratio Dialecticam, numerus Arithmeticam, tonus Musicam (sub qua videtur contineri Poëtica, cum omnibus suis speciebus, quamvis poshit etiam reduci ad Rhetorican) angulus Geometriam, & astra Astrologiam.

Secundus versus continet res serviles: Rus enim designat agriculturam, nemus arrem venteriam & pectoriam, arma militarem, rates nauticam, vulnera chirurgicam, barbitonfortiam, & pharmacopoleam, lana textoriem, sartoriem, & similes, faber fabrilem, quæ comprehendit argentariam, deauratricem, ferrariam, carpentariam, sculptricem & huiusmodi.

De prudentia, & partibus eius, variisque ejus speciebus, in Tractatu de quatuor virtutibus Cardinalibus differemus.

ARTICULUS II.

De virtutibus moralibus.

7. Præter virtutes intellectuales, quæ resident in intellectu, dantur alia morales, quæ subiectantur in voluntate, & in appetitu sensitivo, & dividi solent in virtutes operationum, & passionum, seu in eas quæ circa operationes, & circa passiones versantur: ut hinc appareat necessitatem omnium virtutum pure moralium non esse ex eodem fonte, sed eatum aliquas necessarias esse propter operationes ipsas secundum se, etiam si nulla passio obliteret, cuiusmodi est iustitia, & annexæ ei virtutes secundaria, quasdam vero, nempe temperantiam, &

A fortitudinem, eisque subjectas virtutes, solum esse necessarias propter vincendas passiones contrarias, aut leniendam difficultatem ex illarum contortio vel immoderantia provenientem. Hæc duo membra sub aliis vocibus interdum proponuntur: nam virtutes quæ circa passiones occupantur, dicuntur virtutes ad se; nimirum quæ dominis passionibus, homo in seipso optimè componitur; reddendo autem cuique suum (quod fit cum operationes ex virtute justitiae exercentur) benè erga alios affectur.

Dividuntur etiam à Platonicis virtutes morales in politicas, purgativas, purgationis, & exemplares: cuius divisionis meminit S. Thomas h[oc] quæst. 6, art. 5. Politicas illæ sunt, quibus homo bene se habet in rebus humanis gerendis. Purgationis, quæ animum purgant & ordinant ad contemplationem divinorum. Purgationis animi, quæ animum totaliter purgant à terrenarum labore cupiditatum, ita ut ex abundantia contemplationis passiones non amplius sentiantur, quod est tantum Beatorum, vel aliquorum in hac vita perfectorum. Demum exemplares dicuntur, prout inventi in Deo, in quo est exemplar, & idea omnium virtutum quæ in nobis sunt, per imitationem enim divinae justitiae sumus iusti, & per imitationem perfectionis divinae, perfecti, iuxta illud Matth. 5. Estote perfecti, sicut & Pater vester caelos perfectus est.

Hanc divisionem eleganter explicat Macarius lib. 1. super somnum Scipionis cap. 8, ubi sic ait: Exemplare viri qui illæ sunt, quæ in ipsa divina mente considunt, a quarum exemplo reliqua omnes per gradum deflunt. Nam si rerum aliarum, multo magis portutum ideas esse in mente hominum evidens est. Illic prudenter est mens ipsa divina: Temperantia quid in se perpertua intentione conserva est: Fortitudo, quid semper idem est, nec aliquando mutatur: Iustitia, quid perenni lege asempiterna sui operis continuatione non flectitur.

De politicis, per quas boni viri Reipublica consultunt, ait: quod politica prudenter est ad rationis normam quæ cogitat & agit universa dirigere, ac nihil prater rectum velle vel facere, humanisque actibus (tanquam diis arbitris) provide: fortitudinis est, animum supra pericula metu agere, nihilque nisi turpia timere, tolerare fortiter vel adversa, vel prospera; temperantie, nihil appetere penitendum, in nullo legem moderationis excedere, sub jugum rationis cupiditatem domare: iustitia, servare unicuique quod suum est. Et mox: His virtutibus vir bonus primus sui arque inde Reipublica Rector efficitur, iuste ac provide gubernans humana, divina non deserens.

De purgatoriis, quas Philosophantium virtutes vocat, hac scribit: Prudentia est mandatum istum, & omnia que mundo insunt, divinarum contemplatione despicere, omnemque anima cogitationem in sola divina dirigere: temperantie, omnia relinquare, inquietum natura patitur que corporis usus requirit; fortitudinis, non terrori animam, à corpore quodammodo, ducta Philosophie recentem, nec altitudinem perfecta ad superna ascensionis horrere; iustitia, ad unam sibi huius propostam consenitire viam, unicuique virtutis obsequium.

Demum de jam purgatis ac detersi animi virtutibus inquit, quod prudentia est divina sola missa, hac